

**Akileraaruserinermik ingerlatsineq pillugu
Inatsisartut inatsisaata allanngortinneqarneranik
Inatsisartut inatsisaat
(Nunat tamalaat kattuffinik
akileraartussaatitsinnginneq, akileraarutinik
agguaassineq, ilanngarneqartussaatitaasut
nalunaarutiginnittussaatitaanerannik
maleruagassiornissamut Naalakkersuisut
piginnaatinneqarnerat aamma ernianik
atorunnaarsitsineq il.il.)**

§ 1

Akileraaruserinermik ingerlatsineq pillugu Inatsisartut inatsisaanni nr. 11, 2. november 2006-imeersumi, tak. Namminersorlutik Oqartussat nalunaarutaat nr. 11, 3. november 2021-meersoq, Inatsisartut inatsisaatigut nr. 12, 1. december 2021-mi allanngortinneqartumi, Inatsisartut inatsisaat nr. 20, 21. november 2022-meersukkut kingullermik allanngortinneqartumi makku allanngutigitinneqarput:

1. § 10-p kingorna ilangunneqarpoq:

"Immikkoortoq I a

Nunat assigiinngitsut kattuffi

Kapitali 3 a

Nunat assigiinngitsut kattuffisa akiliisinneqannginnissaat

§ 10 a. Naalakkersuisut isumaqtigiiissuteqarnermikkut nunani assigiinngitsuni kattuffit suliffeqarfílluunniit akileraarutinik akitsuutinillu pisussaaffinnillu allanik, akileraartarnermut akitsusiusarnermullu inatsisini allaqqasunik oqlisaanneqarnissaat akiliisinneqannginnissaalluunniit akuerisinnaavaat, tamanna kattuffiup suliffeqarfílluunniit siunertaata naammassinissaanut suliassaatalu isumannaarnissaanut pisariaqarpat.

Imm. 2. Taamaaqataanik pisinnaatitaaffeqartussatut akiliisinneqanngitsussatullu akuerineqarsinnaapput:

1) Kattuffinni suliffeqarfínnillu imm. 1-imi taaneqartuni aallartitatut atorfeqartut taakkulu ilaquaat.

- 2) Paasisimasallit kattuffinni suliffeqarfinniluunniit imm. 1-imi taaneqartuni suliassanik suliaqartut.
- 3) Inuit saqtsaassutit sularineqarneranni, kattuffit suliffeqarfiliu imm. 1-imi taaneqartut sinneqlugit peqataasut.

Imm. 3. Naalakkersuisut isumaqatigiissutit manna aalajangersakkami taaneqartut naammassineqarnissai pillugit iliuusissat erseqqinnerusut aalajangerneqarnissaannut piginnaatinneqarput.”

2. § 30 a, imm. 2, ima oqaasertaqarpoq:

” Imm. 2. § 30, imm. 1, nr. 4-mi 5-imilu aamma imm. 2-mit 5-imut aalajangersakkat taamatulli atuupput.”

3. § 31, imm. 1, ima oqaasertaqarpoq:

” Aningaasarsianik § 30-mi taaneqartunik pisartoq Kalaallit Nunaanni akileraartussaajunnaarpal, paasissutissiisussaatitap qinnuigineqarnini malillugu § 30-mi § 30 a-milu taaneqartutut paasissutissiissutigissavai:

- 1) Pineqartup qaammatisiutit malillugit ukiup aallartinneranit piffissap akileraartussaajunnaarfimmi tungaanut aningaasarsiai,
- 2) soraarnerussutisiaqarnissamut inuunerimulluunniit sillimmasiinermik aaqqissuussinermut akiligai, kiisalu
- 3) akileraarutit A-t uninggaqneqartut amerlassusii.”

4. § 32 ima oqaasertaqarpoq:

” § 32. Paasissutissat aningaasarsianik pissarisumut tunngasut § 30, § 30 a aamma § 31, imm. 1 naapertorlugit paasissutissiissutigineqartut assilineqarneri aningaasarsianik pissarisup pissavai.”

5. § 33 ima oqaasertaqarpoq:

” § 33. Naalakkersuisut paasissutissat §§ 30-32-mut, §§ 33 a-33 g-mut aamma §§ 35-39-mut naapertorlugit tunniunneqarnissaat, matumani ilangullugit qanoq akuttutigisumik tunniunneqartarnissaat aamma ilisimatitsisussaatitaaneq pillugit maleruagassanik aalajangersaasinnaapput.

Imm. 2. Naalakkersuisut paasissutissiisussaatitaasut imm. 1 naapertorlugu paasissutissiinissaannut piumasaqaatit qasukkarneqarnissaat pillugu maleruagassanik aalajangersaasinnaapput.

Imm. 3. Naalakkersuisut aningaasarsiat pissarisup aningaasarsiaatut A-tut isigineqanngitsut pillugit paasissutissat § 30 naapertorlugu immikkoortillugit tunniunneqarnissaat pillugu maleruagassanik aalajangersaasinnaapput. Naalakkersuisut tunniunneqartut piffissaq pisassanngorfiat qaangiutereersoq tunniunneqartut pillugit paasissutissat ukiumi sorlermi nalunaarutigineqarnissaat pillugu maleruagassanik aalajangersaasinnaapput.

Imm. 4. Naalakkersuisut kapitali una naapertorlugu inatsisinik piareersaanermi, naatsorsueqqissaarnermi ilisimatusarnermiluunniit atorneqartussanik nalunaarutiginnittussaatitaasut akileraaruseriffimmut paasissutissanik amerlanerusunik nassiusisarnissaat pillugu maleruagassanik aalajangersaasinnaapput.

Imm. 5. Paasissutissat imm. 4 naapertorlugu nalunaarutigineqartut akileraaruseriffiup qinnuigineqarnermigut Nunatsinni oqartussaasunut allanut, inatsisinik piareersaanermi, naatsorsueqqissaarnermi ilisimatusarnermiluunniit atorneqartussatut ingerlateqqissinnaavai.”

6. § 33 c, imm. 3, atorunnaarpoq.

7. § 33 d, imm. 2, atorunnaarpoq.

8. § 33 e, imm. 3, atorunnaarpoq.

9. § 33 f, imm. 2, atorunnaarpoq.

10. § 33 g, imm. 3, atorunnaarpoq.

11. § 36, imm. 2, atorunnaarpoq.

12. § 37, imm. 1, ima oqaasertaqarpoq:

" § 36-mi taaneqartutut kontumik pilersitsisoq, kontumik piginnittup inuup normuanik ingerlatseqatigiiffiulluunniit nalunaarsorneqarnerani normuanik nalunaarutiginnissaq. Akileraartarnermut ingerlatsivik § 36 naapertorlugu kontumik piginnittup inuup normuanik nalunaarsuinermiluunniit normuanik nalunaaruteqartussaatitaasumut nalunaarutiginnissinnaavoq."

13. § 37, imm. 2, atorunnaarpoq.

14. § 39, imm. 3, atorunnaarpoq.

15. § 40, imm. 5, ima oqaasertaqarpoq:

" Imm. 5. Ingerlatseqatigiiffit suliffeqarfíllu, Aatsitassat pillugit ingerlatallu tamatumunnga pingaarutillit pillugit Inatsisartut inatsisaat, Erngup nukingata nukissiornermut atorneqartarnera pillugu Inatsisartut inatsisaat aamma Sermip erngullu niuerikkut iluaqtigineqarnissaat pillugu Inatsisartut inatsisaat naapertorlugit akuersisummik pigisaqartut aningaasarsianit akileraarutaat, matumani ilanngullugit iluanaarutisianit akileraarutaat Nunatta karsiata pisassarai. Tamanna ingerlatseqatigiiffit, Aningaasarsianit akileraarutit pillugit Inatsisartut inatsisaanni kapitali 3 b-mi pineqartut iluanaarutisianit akileraarutaannut aamma aningaasarsianit akileraarutaannut aamma atuuppoq. Aningaasarsianit iluanaarutisianillu akileraarutinut taakkununnga § 27 aamma § 43 naapertorlugit tapiliussat erniallu taamatulli aamma Nunatta karsiata pisassaralugillu akiligassarai."

16. § 40, imm. 7, ima oqaasertaqarpoq:

" Imm. 7. Ingerlatseqatigiiffit akileraarutaat kiisalu ernianit akileraarutit ukiumi aningaasarsiorfiusumi procentip akileraarusiissutip Aningaasarsianit akileraarutit pillugit Inatsisartut inatsisaanni § 61 naapertorlugu angissusilerneqartup, ukiumi aningaasarsiorfiusumi procentip akileraarusiissutip Aningaasarsianit akileraarutit pillugit Inatsisartut inatsisaanni § 62 naapertorlugu ullormi 1. januarimi innuttaasut amerlassusiannut naleqqiullugu angissusilerneqartup aamma ukiumi aningaasarsiorfiusumi procentip akileraarusiissutip Aningaasarsianit akileraarutit pillugit Inatsisartut inatsisaanni § 63 naapertorlugu angissusilerneqartup angissusii naapertorlugit Nunatta karsiata, kommunip akileraarfiusup kommunillu pisassaraat, taamaattorli tak. imm. 5 aamma 6."

17. § 43, imm. 1, uniffik 1, ima oqaasertalerneqassaaq:

”Akileraarutit piffissaq eqqorlugu akilerneqanngippata, akilerneqarnissaasaluunniit kinguartinnejcarnerat akuerineqartillugu, ullormit akiliiffissamit qaammatit aallartinneri tamaasa qaammammut 1 procentimik ernianut akiliisitsisoqartassaaq.”

18. § 44-p kingorna ilangunneqarpoq:

”**§ 44 a.** Aningaasarsianit akileraarutit pillugit Inatsisartut inatsisaanni § 2 naapertorlugu akileraartussaasoq iluanaarutisianik, atuisinnaanermut akiliutinik (royalty) ernianilluunniit, Aningaasarsianit akileraarutit pillugit Inatsisartut inatsisaanni kapitali 3 b, § 36 e imaluunniit §§ 88-92 malillugit, aammalu marloriaammik akileraarnissaq pinngitsoorniarlugu isumaqatigiissut naapertorlugu akileraarutissaviusunit amerlanerusunik akileraaruserneqartunik pissarsisimappat, aningaasat akileraaruseriffiup utertitsinissamik qinnuteqaammik tigusaqarnerata kingorna qaammatit arfinillit qaangiutsinnagit utertinneqassapput. Utertitsineq piffissap taassuma kingorna pippat, akileraartussaasup erniat § 44, imm. 4 naapertorlugu ernianut naapertuuttut pisassarai.

Imm. 2. Iluanaarutisianit akileraarutinik utertitsinissamut piumasaqaatinik naammassinnitqarnera akileraaruseriffiup pissarsisumut tunngasut pissutigalugit misissorsinnaanngippagu imm. 1 naapertorlugu tunniussinissamut piffissaliussaq kipitinneqassaaq, pissarsisumut tunngasut misissuinissamut akornuserneqarunnaarnissaata tungaanut.

Imm. 3. Paassisutissat pigineqartut tunngavigalugit tunniussinissap annaasaqarsinnaanermik kinguneqarnissaa akileraaruseriffiup nalilerpagu, akileraarutinik unerartitsinissamik piumasaqaat isumaqatigiinngissutigineqarpat sulilu Akileraarusiinernik aalajangiisartunit eqqartuussivinnilluunniit inaarutaasumik aalajangiiffigineqanngippat, tigusisussap qularnaveeqqusiiinissaa akileraaruseriffiup piumasarisinnaavaa.”

19. § 45-p kingorna ilangunneqarput:

”**§ 45 a.** Piffissami pineqartumi pisassarisat erniaat 100 kr.-uppat ikinneruppataluunniit akileraaruseriffik ernialersuinngissinnaavoq.

§ 45 b. Akileraaruseriffiup pisassarisanik ernialersuineq unitsissinnaavaa kiisalu ernialiunneqareertut tamakkiisumik ilaannakuusumilluunniit isumakkeersinnaallugit:

- 1) akileraaruseriffiup piffissami missingersuilluni angissusiliiffigaani paassisutissat pigineqartut tunngavigineqarsimasut eqqunngitsuuosorinarpata,
- 2) akileraaruseriffiup suliaq piffissaq naammaginartumik sivisussusilik qaangiutsinnagu aalajangiiffiginngippagu, naak akileraaruseriffiup paassisutissat uppernarsaatillu pisariaqartut tamaasa tigoreeraluarlugit.”

20. § 47-p kingorna immikkoortumi “Angissusiliineq nalinginnaasoq” ilangunneqarpoq:

”**§ 47 a.** § 47-mi malittarisassat atuukkaluartut, taamaattoq akileraartarnermut ingerlatsivik inernerusumik missinginerup amigartoortip naatsorsorneqarneranut sunniuteqartillugu, aningaasarsianit akileraarusiisarneq pillugu Inatsisartut inatsisaanni § 30, imm. 1, uniffit pingajuat

malillugu amigartoorutip atorneqarnerata kingorna ukiut isertitaqarfiusut aappaata naanissaa tikillugu, isertitanit akileraarusius sap missingerneqarneranut ilimasaaruteqarlunilu allanngortitsisinnaavoq.”

21. § 59, imm. 2, ima oqaasertaqarpoq:

” Imm. 2. Nalunaarutiginnittusaatitaasup akileraaruseriffimmit qinnuigineqaruni atortussat paasissutissanut nalunaarutigineqartussanut tunngaviusut nassuti savai, matumani aamma ilanngulligit paasissutissat suut nalunaarutigineqartussaanerinik aalajangiinissami atugassat.”

22. § 68-ip kingorna immikkoortumi “Missingersuinikkut angissusiliineq” ilanngunneqarpoq:

” **§ 68 a.** Akileraartussaasoq Aningaasarsianit akileraarutit pillugit Inatsisartut inatsisaanni § 36 b, imm. 1-imi, imaluunniit imm. 4-mi pineqartoq, akit nammineq aalajangersarlugit nuussinerit pillugit piffissaliussaq eqorlugu upternarsaatnik, Aningaasarsianit akileraarutit pillugit Inatsisartut inatsisaanni § 36 b, imm. 2 naapertorlugu suliaqanngippat, akileraaruseriffik nammineerluni nalunaarsuiffimmik tunniussinissamut piffissaliussap qaangiunnerani, akit nammineq aalajangersarlugit nuussinerit taakku, Aningaasarsianit akileraarutit pillugit Inatsisartut inatsisaanni § 36 a naapertorlugu ukiumut aningaasarsiorfiusumut tassunga tunngatillugu missingersuilluni angissusiliisinhaavoq. Uppernarsaatit Aningaasarsianit akileraarutit pillugit Inatsisartut inatsisaanni § 36 b, imm. 2, imaluunniit maleruagassat malillugit atuutilersinneqartut naapertorlugin suliarineqarsimallutillu tunniunneqarpata piffissaagallartillugu suliarineqartutut taamaallaat isigineqarsinnaapput.

Imm. 2. Akileraartussaasup akileraaruseriffiup upternarsaatnik, Aningaasarsianit akileraarutit pillugit Inatsisartut inatsisaanni § 36 b, imm. 2 naapertorlugu misissuineranut atatillugu naatsorsuutinut il.il. tunngasunik § 58, imm. 1 naapertorlugu nassisseqqueneqarnini malinngippagu, imm. 1 missingersuilluni angissusiliinermut tunngasoq atuutissaaq.

Imm. 3. Imm. 1 aammattaaq atuutissaaq akileraartussaatitaasoq aningaasarsianit akileraarusisinarneq pillugit Inatsisartut inatsisaanni § 36 b, imm. 4 ilaatinneqartillugu.”

§ 2

Inatsisartut inatsisaat ulloq 1. januar 2024 atuutilissaaq.

Namminersorlutik Oqartussat, ulloq 20. novembari 2023

Múte Bourup Egede (atsior.)

Naalakkersuisut Siulittaasuat

Namminersorlutik Oqartussat

Imaneq 4

3900 Nuuk
E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit
Namminersorlutik Oqartussat inatsisinut toqqorsiviat
Naalakkersuisut